



UNIVERSITÄTS-
BIBLIOTHEK
PADERBORN

Universitätsbibliothek Paderborn

S. Avrel. Avgvstini Confessionvm Libri X

Augustinus, Aurelius

Coloniae, 1646

Cap. X. Alipium justitiæ amantißimum fuisse, & una cum Nebridio Mediolanum venisse, ut secum pariter veritati indagandæ vacarent.

urn:nbn:de:hbz:466:1-10120

Iterationis affectum induimus; sine quo nemo recte imperat, vel judicat.

C A P. X.

Alipium justitiae amantissimum fuisse, & una cum Nebridio Mediolanum venisse, ut secum pariter veritati indagande vacarent.

I. a **H**unc ergo Romæ inveneram, &
adhæsit mihi fortissimo vinculo,
mecumque Mediolanum profectus est: ut
nec me desereret, & de jure, quod didice-
rat, aliquid ageret, secundum votum paren-
tum magis, quam suum. Et inter hæc b jam
assederat mirabili continentia cæteris, cum
ille magis miraretur eos, qui aurum inno-
centiæ præponerent. Tentata est quoque
eius indoles, non solum illecebra cupidita-
tis, sed etiam stimulo timoris. Romæ assi-
debat c Comiti largitionum Italicarum.

2. Erat eo tempore quidam potentissimus senator, cuius & beneficiis obstricti multi, & terrori subditi erant. Voluit sibi licere, nescio quid ex more potentiae suae, quod esset per leges illicitum. Restitit Alipius; promissum est præmium, irrisit animo; prætentæ minæ, calcavit; mirantibus omnibus inusitatam animam, quæ hominem tantum, & innumerabilibus præstandi nocendique modis ingenti fama celebratum, vel amicum non optaret, vel non formidaret inimicum. Ipse autem Iudex, cui consiliarius, quamvis & ipse fieri nollet, non tamen aperte recusabat: sed in istum

causam transferens, ab eo se non permitti asserebat; quia revera, si ipse faceret, iste discederet. Hoc solo autem pene jam ille. ^{Et}ius erat studio literario, ut pretiis prætorianis codices sibi conficiendos curaret. Sed consulta justitia, deliberationem in melius vertit: utiliorem judicans æquitatem, qua prohibebatur, quam potestatem, qua sinebatur. Parvum est hoc; ^{Luc. 16,} ^{10, 11, 12.} Sed qui in parvo fidelis est, & in magno fidelis est. Nec illo modo erit inane, quod de tuæ veritatis ore processit: *Si in injusto mammona fideles non fuistis, quod verum est, quis crederet vobis? Et si in alieno fideles non fuistis, quod vestrum est, quis dabit vobis?* Talis ille tunc inhærebat mihi, mecumque nutabat in consilio, quisnam esset tenendus vitæ modus.

3. Nebridius etiam (qui relicta patria vicina Carthagini, atque ipsa Carthagine, ubi frequentissimus erat: relicto rure paterno optimo, relicta domo, & non secutura matre, nullam ob aliam causam Mediolanum venerat, nisi ut mecum viveret, in flagrantissimo studio veritatis atque sapientię) pariter suspirabat, pariterque fluctuabat: beatæ vitæ inquisitor ardens, & quæstionum difficillimarumscrutator acerrimus. Et erant orationum egentium, & inopiam suam sibimet invicem anhelantium, & à te expectantium,
^{Psal. 144.} ^{15.} *ut dares eis escam in tempore opportuno.* Et in omni amaritudine, quæ nostros seculares actus de misericordia tua sequebatur, intuentibus nobis finem, cur ea pateremur, occurrabant tenebræ. Et aversabamur gementes, & dicebamus: quamdiu hæc? Et hoc crebro dicebamus: & dicentes, non relinquebamus ea;

ea; quia non elucebat certum aliquid, quod illis relictis apprehenderemus.

N O T A E.

- a *Hunc ergo Roma inveneram*) Tandem redit ad seriem vitæ Mediolani actæ, in consuetudine Alippi & Nebridii. Quæ enim c. 7. 8. 9. & initio hujus narrat: ea Alipio partim Carthagine, partim Romæ evenerunt.
- b *Iam assederat*) id est, *assessorem*, sive *consiliarium* egerat. Est in jure titulus de *officio assessorum*, ex l. 1. ff. t. quo apparet illos fuisse consiliarios judicium, ^{22.} eorumque, qui provinciis præerant. Constat an- l. 1. omne tem officium *assessoris*, ut ibi habetur, *in cognitioni- officium.* bus, *postulationibus*, *libellis*, *edictis*, *decretis*, *epi-*
fiosis.
- c *Comiti largitionum Italicarum*) quem paulo infra, judicem appellat. Erat autem *Comes largitionum*, teste Cassiodoro *governator private Substantie prin-* lib. 6, *in* *xipis*, sive *qui thesauris sacris*, id est, *Imperioriis & formulis.* *Angustalibus pecunias præerat*: *vel qui liberalitatis & denorum curam gerebat.* Dictus etiam est *Comes sacrarum largitionum*, hic vero *Italicarum*, quia per Italiam hoc munus exercebat.

V S V S.

1. Egregium justitiæ exemplum munerumque contemptum ostendit Alipius, quem utinam imitarentur omnes consiliarii, nec tam loculis suis, quam saluti suæ, & alienæ miseriæ consulerent! & potius principi injusta facienti vel permittenti, renunciarent obsequium, quam Deo!
2. Politica vafricie comes illè usus est; invidiam enim sententiaz contra Senatorem prolatæ, in Alipium transtulit, causans eum à se discessurum si aliter pronuntiasset. Sic non raro Magistratus qui homines magis quam Deum reverentur, severiores leges & bono publico necessarias, viris religiosis ac piis adscribunt, maluntque hominum invidiam, quam Dei indignationem declinare.

3. Altera

3. Alterum integerrimi animi specimen edidit Alipius, quod nollet *prætorianis pretiis amplius codices sibi conficiendos curare*, quia nempe metuebat ea pretia ex inquis forte sententiis collecta, aut suspicioni vel cupiditati occasionem præbitura, ne plura æquo vel appeteret, vel acciperet librorum parandorum obtentu. Expendant hoc exemplum, qui pecuniæ plus student, quam justitiæ.
4. Videtur Deus respexisse S. Augustinum, ejusque socios ob desiderium Veritatis, & Sapientiæ. Quia enim tam ardenter esuriebant & sitiabant justitiam, ideo saturati tandem fuerunt dulcedine rerum cœlestium, post amaritudinem, quæ sequebatur actus illorum seculares.

C A P. XI.

Recenset suum hucusque in studio Sapientia progressum, à quo vana spe, & concupiscentia carnis, maxime retardabatur.

I. E T ego maxime mirabar, satagens & recolens, quam longum tempus esset ab undevicesimo anno ætatis meæ, quo ferre cœperam studio sapientiæ: disponens ea inventa, relinquere omnes vanarum cupiditarum spes inanes & insanias mendaces. Et ecce jam a tricenariam ætatem gerebam, in eodem luto hæsitans! aviditate fruendi præsentibus, fugientibus & dissipantibus me, dum dico: Cras inveniam; ecce manifestum apparebit, & tenebo; &, ecce Faustus veniet, & exponet omnia. O magni viri Academici, nihil ad agendum vitam certi comprehendi potest! Imo quæramus diligentius, & non desperemus. Ecce jam non sunt absurdâ in libris ecclesiasticis, quæ absurdâ videbantur, & possunt aliter atque honeste